





# MASTITIS

Mastitis is inflammasie van 'n dier se melkklier



## Simptome

- ❁ Die uier is geswel, hard, warm en pynlik.
- ❁ Afsterwing van die uierweefsel kom voor en die koei kan selfs vrek.
- ❁ Die koei is dikwels koorsig, wil nie vreet nie en produseer minder melk.
- ❁ Die melk lyk anders. Dit kan byvoorbeeld waterig wees of slym, etter of selfs bloed bevat.



## Oorsake


'n Verskeidenheid mikro-organismes soos bakterieë, virusse en gisse veroorsaak mastitis. Faktore wat tot die siekte bydra, is:



- ❁ nat klimaat
- ❁ saagsels wat met mis besoedel is
- ❁ vuil toerusting en vuil water in die melkery
- ❁ besmette koeie in die kudde.

## Behandeling

- ❁ Dien 'n geskikte antibiotikum volgens voorskrif toe onder streng higiënetoestande.
- ❁ Geswelde, harde, warm uiers moet versigtig en liggies gemasseer word. Die uier moet 2 tot 3 keer gedurende die dag uitgemelk word.
- ❁ Begrawe die melk of stort dit in 'n rioolstelsel.





Gebruik 'n toetsbeker by elke melking




## Beheer

- ✿ Handhaaf goeie higiëne tydens melking.
- ✿ Knip lang hare aan die uier af. Vee die spene af met droë, wegdoenbare papier.
- ✿ Was vuil spene onder lopende water en droog hulle goed af met wegdoenbare papier.
- ✿ Gebruik 'n toetsbeker by elke melking en kyk of die melk slym, etter of bloed bevat.
- ✿ Die speenhulse van melkmasjiene moet na elke melking gewas en ontsmet word.
- ✿ Doop die spene in 'n geskikte speenmiddel na elke melking.
- ✿ Melkers moet hulle hande was voordat hulle speensalf aanwend of wanneer hulle met die hand melk.
- ✿ Melkers moet nie sere aan hul hande hê nie.

## Bestuur

- ✿ Skei besmette koeie van die res van die kudde en melk hulle laaste.
- ✿ Koop net gesonde diere.



## Onthou

*Raadpleeg u plaaslike dieregesondheids-  
tegnikus of 'n veearts indien mastitis 'n  
voortdurende probleem in die kudde is.*

*Saamgestel deur die Nasionale Departement van Landbou in samewerking met die Direkoraat Dieregesondheid*

*Gedruk en uitgegee in die Republiek van Suid-Afrika deur die Nasionale Departement van Landbou en verkrygbaar by die Inligtingsentrum, Direkoraat Kommunikasie, Privaat Sak X144, Pretoria 0001*